

**FUNDAZIUN
DA CULTURA
LUMNEZIA**

**DOCUMENT
DA FUNDAZIUN**

STATUTS

Art 1 Num e sedia

Sut il num „Fundaziun da cultura Lumnezia“ exista ina fundaziun en senn d'art. 80ss dil Cudisch civil svizzer cun sedia ella vischnaunca da Lumnezia.

Art. 2 Intent dalla fundaziun

- La fundaziun da cultura tgira e promova la cultura lumneziana e cultivescha la schientscha per las valurs dalla vallada
- El rom da sias pusseivladads sustegn la fundaziun ideas, projects, arranschaments ed activitads sil camp da lungatg, litteratura, musica, cant, teater, art, historia locala, archeologia, architectura, usits ed isonzas, natira e cuntrada
- La fundaziun sa organisar senza ni en cooperaziun culla vischnaunca ed autras uniuns ed instituziuns exposiziuns, excursiuns guidadas, seminaris, cuors, luvratoris, teaters, concerts etc.
- La fundaziun promova sias activitads cun lavur publica e sestenta da plidentar ton indigens sco hosps da vacanzas.

Art. 3 Facultad dalla fundaziun

- Il fundatur, il cumin Lumnezia/Lugnez, ha mess a disposiziun alla fundaziun in capital da partenza da frs. 23 050.60
- Plinavon vegn la facultad dalla fundaziun alimentada entras:
- la contribuziun annuala dalla vischnaunca Lumnezia
- donaziuns privatas

Art. 4 Cussegl da fundaziun

- Il cussegl da fundaziun secumpona da 5 commembers. La vischnaunca da Lumnezia ei representada el cussegl da fundaziun cul gerau da cultura sco assessur.
- Il cussegl da fundaziun consista da president, vicepresidente, actuar, cassier ed assessur.
- Il cussegl da fundaziun seconstituescha e completescha sesez.
- La perioda d'uffeci munta a 4 onns. Reelecziuns ein pusseivlas.
- Il cussegl da fundaziun decida davart il program d'activitads e la finanziaziun.
- Il cussegl da fundaziun sa incaricar persunas ni cumissiuns cun incumbensas specialas.
- Dretgs ed obligaziuns dalla fundaziun en connex culla „Casa d'Angel – cultura Lumnezia“ a Lumbrein vegnan fixai en ina curvegna da prestaziun.
- Il cussegl da fundaziun suttascriva a moda collectiva en dus: president ni vicepresidente cun cassier ni actuar.

Art. 5 Organ da controlla

- El senn dil dretg vertent elegia il cussegl da fundaziun in post da revisiun per ina perioda da 4 onns.
- Il cussegl da fundaziun sa proponer all'istanza da controlla cumpetenta da deliberar la fundaziun dall'obligaziun da revisiun.

Art 6 Dissoluziun dalla fundaziun

- El cass che la fundaziun sto vegnir abolida per in motiv legal vegn la facultad dalla fundaziun surdada ad in'otra organisaziun che ha ina finamira semeglionta ed ei deliberada dalla taglia.

Art. 8 Documentaziun


- Quest document vegn firmaus en 4 exemplars. Quels van all'autoridad da survigilonza, all'administraziun da taglia, al Register commercial e tiels acts dalla fundaziun.

Lumnezia, ils 1-8-2014

Per la Fundaziun da cultura Lumnezia:



Martin Cabalzar, president



Alexi Nay, actuar